

Broj: 09-11-3-2185-1/20
Mostar, 29.12.2020. godine

Na osnovu člana 1. stav (2), a u skladu sa članom 87. stav (3), članu 70. stav (1), (2) i (3) Zakona o javnim nabavkama Bosne i Hercegovine ("Službeni glasnik BiH", broj 39/14), Odluke o pokretanju postupka nabavke usluga održavanja GIS software-a MapInfo Professional - Oznaka i naziv iz JRJN: 72267000-4 - Usluge održavanja i popravaka programske podrške, broj 09-11-3-2185/20 od 28.12.2020. godine i odredbama Pravilnika o postupku direktnog sporazuma u Federalnom ministarstvu energije, rudarstva i industrije broj: 08-02-85/15 od 16.01.2015. godine federalni ministar energije, rudarstva i industrije d o n o s i :

O D L U K U o direktnom sporazumu

I

Zaključuje se direktni sporazum sa ponuđačem Gauss d.o.o. Tuzla, IDB 4209049840005, sa sjedištem na adresi Mehmedalije Maka Dizdara, Stupine B2, 75 000 Tuzla, o nabavci usluga održavanja GIS software-a MapInfo Professional - Oznaka i naziv iz JRJN: 72267000-4 - Usluge održavanja i popravaka programske podrške.

II

Nabavka iz tačke I ove odluke vrši se u skladu sa članom 90. Zakona o javnim nabavama Bosne i Hercegovine ("Službeni glasnik BiH", broj 39/14), te odredbama Pravilnika o postupku direktnog sporazuma u Federalnom ministarstvu energije, rudarstva i industrije broj: 08-02-85/15 od 16.01.2015. godine.

Prihvata se ponuda od ponuđača Gauss d.o.o. Tuzla, broj PON-001-3/2020 od 29.12.2020. godine.

III

Ukupna vrijednost ove nabavke je 1.990,00 KM bez uračunatog PDV-a, odnosno 2.328,30 KM sa uračunatim PDV-om.

IV

Za realizaciju ove odluke zadužuje se Odsjek za finansijsko - računovodstvene poslove.

V

Ova Odluka stupa na snagu danom donošenja i objaviće se na web-stranici Ministarstva www.fmeri.gov.ba istovremeno sa upućivanjem ponuđaču koji je učestvovao u postupku javne nabavke.

Obrazloženje

Federalnom ministarstvu energije, rudarstva i industrije je potrebna nabavka usluga održavanja GIS software-a MapInfo Professional, zbog čega je donesena Odluka o pokretanju postupka nabavke broj: 09-11-3-2185/20 od 28.12.2020. godine.

U skladu sa članom 5. Pravilnika o postupku direktnog sporazuma u Federalnom ministarstvu energije, rudarstva i industrije broj: 08-02-85/15 od 16.01.2015. godine, Federalno ministarstvo energije, rudarstva i industrije je telefonskim putem uputilo zahtjev za ponudu od ponuđača Gauss d.o.o. Tuzla.

Ponuđač Gauss d.o.o. Tuzla je dostavio ponudu br. PON-001-3/2020 od 29.12.2020. godine. Ukupna cijena ponude je 1.990,00 KM bez uračunatog PDV-a, odnosno 2.328,30 KM sa uračunatim PDV-om.

U postupku donošenja ove odluke posebno su cijenjene činjenice da je ponuđač dostavio ponudu za usluge koje su tražene u pozivu za dostavu ponude, te da je naručilac zadovoljan cijenom i kvalitetom ponuđenih usluga.

Imajući u vidu sve navedeno, odlučeno je kao u dispozitivu ove odluke.


MINISTAR
Nermin Džindić

DOSTAVITI:

- Gauss d.o.o. Tuzla
- Službi za finansijsko-računovodstvene poslove
- evidenciji
- a/a